

胎產護生篇目次

產家要訣

當產

生候

轉身

產門

瀝漿

盤腸

三難

蓄參

熱產

凍產

胎死

胎衣

血暈

半產

仙傳奪命丹

神應黑龍丸

回生至寶丹

產前十忌

臨產十忌

產後十忌

產前經驗方

妊婦常服方

達生散

保胎丸

安胎飲

千金保胎孕丸

保生湯

青竹茹湯

治胎前嘔吐

達氣和中湯

東胎丸



枳殼丸

救生散

神寢丸

安胎經驗方

安胎方

治胎氣動方

治胎動血下不止

和氣安胎湯

治胎上衝

安胎將墮欲死方

治孕婦偶因所觸或墜高被打胎動痛不可忍

治孕婦爭鬪胎動不安腹內氣刺脹滿上喘

臨產經驗方



無憂散

三合濟生湯

遇仙方

產難經驗方

治生產經日不下

治胞水早行胎澁不下

治橫生逆生

治胎死腹中母氣欲絕

治孕婦跌撲或舉重促損胎動及子死腹中

治月數不足一死腹中母欲悶絕

治胎衣不下

治血冷凝澁胎衣不下

催生累驗方

產後經驗方

治產後十六症

返魂丹

治產後諸症

治產後垂死

治產後發渴

治產後血不止

治產後惡露未淨

治產後血暈

治產後瘀血留滯

治產後血氣疼痛

治產後敗血衝心

治產後血入肺

治產後腹脹氣急

治產後咳逆作喘

治產後吃噁

治產後虛煩不得睡

治產後喜睡懶言等症



南京中医药大学图书馆版权所有

治產後中風

治產後中寒

治產後心痛

治產後寒熱如瘧

治產後瘧疾

治產後痢疾

治產後瀉血

治產後脾胃受血氣所傷

治產後乳汁不通

治產後腸癢

治產後子宮不收

治產後遺尿及小便數

治暑月產後受熱發狂

保嬰經驗方

夢生方

拭口法

甘草法

黃連法

硃蜜法

藏衣法

斷臍法

裹臍法

臍風方

口禁方

浴兒方

乳兒方

哺兒方

護兒方

夜啼方

稀痘方

難產經驗方補遺

兔腦丸方

經驗神效方

血崩結乳
回乳四則



南京中醫藥大學圖書館版權所有

刊施稀痘方

此條應附於保嬰經驗方稀痘條下原本屢列於此今仍之

生化湯

當歸川芎湯

加味芎歸湯



南京中医药大学图书馆版权所有

胎產護生篇

淮南李長科小有輯

當湖陸錫禧予綿叅

毘陵楊啟鳳季衡定

清源林秀恕菴較梓

○當產

一凡臨月忽然腹痛或作或止或一日二日三五日胎
水已來腹痛不止者此名弄胎非當產也有一月前
忽然腹痛如欲卽產卻又不產者此名試月非當產

也不問胎水來與不來俱不妨事但當寬心待時時至則自產矣有胎猶近上未下墜者非當產也凡此俱不可早先驚動恐產婦聞而怖懼氣怯難產耳切記

○生候

一凡臨盆之際腹中急痛乃是兒方轉動若胎氣壯者轉身容易胎氣虛者轉身艱難未免延緩遲滯惟是腹痛不已此非生之候也直至腰腹陣痛痛極不已穀道挺迸如欲大便眼中溜火漿破血來此正生之

候也全賴穩婆接應

○轉身

一凡兒身已順門戶俱正頂已露而不能下生者多是因兒轉身臍帶絆住其肩也須令產母仰臥穩婆輕輕推兒向上以中指探兒之肩脫其臍帶兒身無絆用力一努卽時下矣

○產內

一凡臨產而交骨不解產門不開經日不產者多是年幼受胎陰氣不足或年大方嫁脈絡長成或元氣虛

弱胎前失調以致血氣不能周運而然也此最可慮
急用當歸川芎各一兩自死龜板一箇卽敗龜也酥
炙黃脆女髮一握須是曾生男女過者以麥麴搗洗
令淨煨存性四味爲粗末每服五七錢水煎服約人
行五里許卽交骨自開而兒出門矣如無敗龜卽灼
過龜板亦可此方神異但敗龜須預覓耳凡人家有
幼婦老女便須防此毋致臨期害事其產後玉門不
閉者氣血虛也用十全大補湯服之卽效

○瀝漿

一凡胞漿旣破一飯之頃宜卽產矣蓋漿乃胞內養兒
之水兒旣拆胞自隨水而下若過時未下則是胎元
無力轉頭較遲漿盡血來則壅塞產路滯泥兒身致
令無處覓門是以難產急服勝金散消逐其血兒自
易生方用鹽豉一兩以青布裹包于炭火內燒紅取
出急研爲末紙攤地上一時出火毒每服一錢鐵秤
錘燒紅淬酒送下又有漿流一二日不產者此名瀝
漿生也姑俟流漿漸少當自生如此者雖漿下數日
亦無大害但須明諭產婦令勿恐怖旁人亦勿惶恐

驚訝穩婆切勿妄施手法以致悞事雖然人有勞佚
苦樂之不同氣有澁利虛實之或異意外之虞亦不
可不慎萬一漿水來多胎乾難產急用大料四物湯
約二三斤以大鍋注水於房內熬煎使藥氣滿房口
鼻吸受以滋益之又用香油蜂蜜各一碗攪和用銅
銚慢火煎一二沸掠去浮沫調滑石末一兩不住手
攪極勻頓服外以油蜜於母腹臍上下摩之立產或
用催生神妙乳砂丹方明乳香不拘多少製爲末以
猪心血和丸梧子大硃砂爲衣陰乾每服二丸嚼碎

冷酒下良久未生再以蓮葉心蒂七箇水二盞煎至
一盞化服二粒靈驗如神須在端陽日午時或七月
七日三月三日於淨室中誠心修合母令雞犬婦人
衝觸

盤腸

一臨產有子腸先出者名曰盤腸產覺甚駭人然亦無
害古法以盆盛溫水潤養其腸令產母仰臥慰以好
言勿令恐懼却用米醋半盞和新汲水七分攪勻忽
嚙產母之面與背嚙必驚驚必縮三嚙三驚則三縮

而盡收矣此法雖善然施之氣虛膽怯之人恐驚則
氣散或反生他病大都盤腸者多是中氣虛而因努
脫出也此與脫肛相類若經過一番則下次懷胎五
六箇月便須預服補中升提之藥庶幾臨盆可免若
脫出多者急以芝麻油抹之以防風襲卻用萆麻子
四十九粒去殼研爛貼產婦頂心上內服補中益氣
湯倍升麻自然收上勝冷水嚥面多矣子腸旣上亟
將頂心萆麻洗去勿緩亦有用磨刀水少許頓溫塗
潤其腸勿令乾燥一面用磁石煎湯服之當卽收上

磁石須陰陽家用過有驗者乃佳

○三難

產育三難有先露手而曰橫生有先露足而曰逆生有先露臀而曰坐生凡此皆危道也各有治法如手先露者以細針刺兒手心深一二分必三四刺之以鹽塗針處輕輕送入兒得痛轉縮卽正生矣如腳先下者急以鹽塗腳底仍抓令知癢又以鹽摩母腹上卽順生矣其露臀者令產母仰臥推兒近上以手正其頭用力努之卽下若兒腦後之骨偏拄穀道則露

